

BOSNA I HERCEGOVINA  
FEDERACIJA BOSNE I HERCEGOVINE  
HERCEGOVAČKO NERETVANSKI KANTON  
OPĆINSKI SUD U MOSTARU  
Broj: 58 0 P 224387 20 P  
Mostar, 27.10.2021. godine

Općinski sud u Mostaru, po sudiji Šemsi Jogunović, u pravnoj stvari tužitelja Brodograđevna industrija Split d.d., zastupana po pun. Alenu Gračić, advokat iz Sarajeva, Nikici Bubalo, advokatu iz Mostara i Ani Primorac, advokatu iz Mostara, protiv tuženog Jure Krtalić, UL. Kneza Branimira 7. Mostar, zastupan po punomoćniku Mariju Bogdanović, advokatu iz Mostara i advokatima iz AD Martinović & Partneri iz Ljubuškog- podružnica Mostar, Dubrovačka bb Mostar, radi naknade štete, v.sp. : 20.000.000,00 KM, dana 27.10.2021. godine, donosi sljedeće:

### **D O P U N S K O R J E Š E N J E**

Određuje se izvesti dokaz finansijskim vještačenjem po stalnom sudskom vještaku finansijske struke Nevenki Sušac i vještačenje po vještaku elektrotehničke struke Mladenu Orloviću.

Nalaže se vještacima da, pored okolnosti navedenih u rješenju ovog suda broj gornji od 28.09.2021. godine, sačine nalaz i mišljenje i na okolnosti:

- utvrđenja iznosa ulaganja Tužitelja-protutuženog u projekte VE Kupres 1, VE Pakline 1 i VE Pakline 2 u razdoblju od 17.2.2014. godine do 31.12.2020. godine, uvid u bilance glavne knjige sa stanjem 31.12.2020. godine,
- na okolnost utvrđenja isteka rokova važenja postojeće dokumentacije (certifikati od NOS BiH, Uvjeti izdani od ELEKTRO PRIJENOS BiH, Elaborat priključka na mrežu, Energetska dozvola za VE Kupres 1. i dr.) i utvrđenja potrebnog vremena i sredstava za obnavljanje navedene dokumentacije, kao i
- na okolnost izgubljene očekivane dobiti za period od prosinca 2016.g. do dana izrade nalaz i mišljenja, koja se izvjesno mogla očekivati u konkretnom slučaju da nije došlo do izostanka osiguravanja sredstava, odnosno ulaganja 25% sredstva za financiranje svakog pojedinačnog projekta vjetroparka od strane Tužitelja-protutuženog za VE Kupres 1, VE Pakline 1 i VE Pakline 2, temeljem uvida u cjelokupnu materijalnu i finansijsku dokumentaciju Društva KAMEN-DENT d.o.o. Mostar, a posebno u finansijski model Društva KAMEN-DENT d.o.o. Mostar za VE Kupres 1, VE Pakline 1 i VE Pakline 2., kao i uvidom u predmetni sudski spis

Napomena vještacima:

Obzirom da se neće provoditi kombinirano vještačenje, vještaci će samostalno izraditi svoj nalaz i mišljenje.

Sudija  
Šemsa Jogunović

**Pouka o pravnom lijeku:**

Protiv ovog rješenja nije dozvoljena žalba